

26 OCT 1999

MTUC GESA LIM AH LEK CAMPURTANGAN DALAM PERTIKAIAN HSBC-NUBE

KUALA LUMPUR, 26 Okt (Bernama) -- Kongres Kesatuan Sekerja Malaysia (MTUC) menggesa Menteri Sumber Manusia Datuk Lim Ah Lek campurtangan dalam pertikaian sekarang antara HSBC Bank Malaysia Berhad dan Kesatuan Kebangsaan Pekerja-pekerja Bank (NUBE).

Presiden MTUC Senator Zainal Rampak berkata campurangan Lim mungkin boleh membawa penyelesaian aman terhadap pertikaian itu yang terbit daripada pemecatan 15 wakil khidmat pelanggan (CSR) dari bank itu tanpa siasatan dalaman dijalankan.

"MTUC menyuarakan bantahan terhadap sikap bank memecat kakitangan tanpa melalui proses perundangan dan ini terang-terang melanggar syarat perjanjian bersama yang ditandatangani antara HSBC dan NBE," kata beliau dalam kenyataan di sini hari ini.

Sementara itu, cawangan MIC Majlis Perbandaran Subang Jaya (SJTC) hari ini melancarkan kempen "seribu tandatangan" terhadap pemecatan dan pemberhentian kerja yang melanggar etika.

Tandatangan itu akan diserahkan kepada Perdana Menteri Datuk Seri Dr Mahathir Mohamad dan Menteri Sumber Manusia Datuk Lim Ah Lek untuk tindakan lanjut.

-- BERNAMA

AFY FAZ